

«ՀԱՍՏԱՏՈՒՄ ԵՄ»  
ՀՀ ԳԱԱ Մ.Քոթանյանի անվան  
Տնտեսագիտության ինստիտուտի տնօրենի ժ/պ,  
Տնտեսագիտության թեկնածու

Լ.Ն.Սարգսյան  
27 ապրիլի 2022թ.



**ԿԱՐԾԻՔ  
ԱՌԱՋԱՏԱՐ ԿԱԶՄԱԿԵՐՊՈՒԹՅԱՆ**

Վահագն Լիպարիտի Տեփոյանի «Ֆինանսական կայունության ապահովման հիմնախնդիրները Հայաստանի Հանրապետությունում» թեմայով ատենախոսության վերաբերյալ, ներկայացված Ը.00.03 - «Ֆինանսներ, հաշվապահական հաշվառում» մասնագիտությամբ տնտեսագիտության թեկնածուի գիտական աստիճանի հայցման համար

*Մասնակցում էին՝ Ռոբերտ Սարինյան՝ տնտեսագիտ. դոկտոր, պրոֆ, Տիգրան Հարությունյան՝ տնտեսագիտ. դոկտոր, դոցենտ, Մերի Մանուչարյան՝ տնտեսագիտ. թեկնածու, Սվետլանա Դալլաքյան՝ տնտեսագիտ. թեկնածու, Լիլիթ Սարգսյան՝ տնտեսագիտ. թեկնածու, Բելլա Գաբրիելյան՝ տնտեսագիտ. թեկնածու, Գևորգ Հարությունյան՝ տնտեսագիտ. թեկնածու, Տաթևիկ Փարսադանյան՝ տնտեսագիտ. թեկնածու, Գրիգոր Մանուկյան՝ տնտեսագիտ. թեկնածու, Շողեր Պողոսյան՝ տնտեսագիտ. թեկնածու*

**ԱՏԵՆԱԽՈՍՈՒԹՅԱՆ ԹԵՄԱՅԻ ԱՐԴԻԱԿԱՆՈՒԹՅՈՒՆԸ**

Յուրաքանչյուր պետության կարևորագույն խնդիրներից է ֆինանսական համակարգի կայունության և հուսալիության ապահովումը: Պետությունը ֆինանսական ինստիտուտների կայունության, իրացվելիության, վճարունակության և բնականոն գործունեության համար պետք է ձևավորի անհրաժեշտ պայմաններ: ՀՀ-ում այն

իրագործվում է Կենտրոնական բանկի կողմից: Ֆինանսական կայունության և հուսալիության գնահատման նպատակով անհարաժշտ է կիրառել ցուցանիշների ամբողջություն, որն հնարավորություն է տալիս այն ներկայացնել ավելի ամբողջական և համակարգված: Նման ցուցանիշների հետազոտմամբ պայմանավորված է ներկայացված ատենախոսության արդիականությունը: Իրականացված հետազոտությունը նվիրված է նշված հիմնախնդիրների ուսումնասիրությանն ու դրանց լուծման ուղիների նախանշմանը, ինչով էլ պայմանավորված է հետազոտության թեմայի արդիականությունն ու հրատապությունը: Ատենախոսության կառուցվածքը հնարավորություն է ընձեռել բացահայտել հետազոտվող հիմնահարցի բնութագրական կողմերը, ապահովել դրանցով պայմանավորված խնդիրների լուծման հաջորդականությունը:

### **ՎԵՏԱԶՈՏՈՒԹՅԱՆ ՆՊԱՏԱԿԸ ԵՎ ԽՆԴԻՐՆԵՐԸ**

Ատենախոսության հիմնական նպատակն է գնահատել ՀՀ Ֆինանսական և ոչ ֆինանսական առևտրային կազմակերպությունների կայունության մակարդակը, ինչպես նաև վեր հանել արդյունավետության բարձրացմանը նպաստող առաջարկություններ և միջոցառումներ:

ՀՀ Ֆինանսական և ոչ ֆինանսական առևտրային կազմակերպությունների կայունության ապահովման համար առաջադրվել և լուծվել են հետևյալ խնդիրները.

- ✓ Ուսումնասիրել ֆինանսական կայունության հասկացության ապարատը;
- ✓ Համակողմանի վերլուծել ֆինանսական կայունությունը բնութագրող հիմնական ցուցանիշները և գնահատել հայրենական և միջազգային փորձը՝ համադրելով ՀՀ Կենտրոնական բանկի կողմից որդեգրած մոտեցման, ֆինանսական կայունության հնարավոր ռիսկերի դիտարկման և հակազդեցության միջոցառումներին;
- ✓ Կառուցել ֆինանսական կայունության ներառական ֆինանսատնտեսական ինդեքս, որը կբացահայտի ՀՀ Ֆինանսական և ոչ ֆինանսական առևտրային

կազմակերպությունների ֆինանսական կայունության վրա ազդող ֆինանսական, իրական, պետական և արտաքին հատվածի գործոնները և թույլ կտա կանխորոշել մոտալուտ ճգնաժամերը և կազմակերպությունների սնանկացման պատճառները:

- ✓ Կառուցել մակրոտնտեսական ցուցանիշներից բաղկացած մեթոդական մոտեցում, որը գործոնային վերլուծության կիրառմամբ թույլ կտա հասկանալ և գնահատել ֆինանսական ցուցանիշների՝ տնտեսության ամփոփ ցուցանիշների վրա ազդեցությունը, փոխկապվածությունը և կլինի ներկայացուցչական;
- ✓ Մատնանշել վերջին տարիներին նշանակալի տնտեսական ճգնաժամերի ընթացքում (2008-2009 թթ, 2014 տարեվերջ-2016, 2020-2021 թթ.) ՀՀ մակրոտնտեսական միջավայրը, տնտեսության տարբեր ինդիկատորների դինամիկան և օրինաչափությունները;
- ✓ Առաջարկել ՀՀ-ում հակաճգնաժամային կառավարման արդյունավետ միջոցառումներ՝ է վերլուծելով ՀՀ կառավարության կողմից փաստացի ձեռնարկված քայլաշարերը:

### **ԱՇԽԱՏԱՆՔԻ ԳԻՏԱԿԱՆ ՆՈՐՈՒՅԹԸ**

Հետազոտության ընթացքում ստացվել են գիտագործնական նշանակության արդյունքներ, որոնց գիտական նորույթը կայանում է հետևյալում.

1. Միջազգային փորձի հիման վրա կառուցվել է ֆինանսական համակարգի այնպիսի ցուցիչներից բաղկացած մեթոդական մոտեցում, որը թույլ է տալիս հասկանալ և չափելի դարձնել տնտեսության ամփոփ ցուցանիշների վրա ազդեցությունը և փոխկապվածությունը;
2. Միջազգային փորձի հիման վրա կատարվել են տնտեսական ռիսկերի կանխատեսում և ֆինանսական կայունության ապահովման գործիքակազմի կատարելագործում միկրոմակարդակում և մակրոմակարդակում՝ կառուցելով ֆինանսական կայունությունը ներկայացնող ֆինանսատնտեսական ինդեքս;

3. Գնահատվել և ներկայացվել են այն միջոցառումները և գործիքակազմը, որոնք ՀՀ Կառավարությունը և Կենտրոնական բանկը կարող են ձեռնարկել ճգնաժամերի առաջացման դեպքում՝ դրանց զարգացումը կանխելու և արդյունավետ հակազդելու համար;
4. Իրականացվել են ՀՀ առևտրային կազմակերպությունների՝ ֆինանսական կայունության վրա ազդող գործոնների գնահատում այն հիմնական վիճակագրորեն նշանակալի փոփոխականների բացահայտմամբ, որոնք էապես կանխորոշում են կազմակերպությունների սնանկացումը:

### ԱՏԵՆԱԽՍՈՒԹՅԱՆ ՀԻՄՆԱԿԱՆ ԲՈՎԱՆԴԱԿՈՒԹՅՈՒՆԸ

Աշխատանքի ներածությունում ներկայացված է ատենախոսության թեմայի արդիականությունն ու հրատապությունը, դրված է հետազոտության նպատակը և տրված են դրան հասնելու համար լուծման ենթակա խնդիրները: Այստեղ ամրագրված են այն հիմնական արդյունքները և դրանց գիտական նորույթը, որոնցով աշխատանքը ձեռք է բերում գիտական արժեք, բնութագրված են տեսական և մեթոդական այն հիմքերը, որոնց վրա կառուցված են հեղինակի մշակումներն ու եզրահանգումները:

Ատենախոսությունում իրականացված վերլուծությունները հիմնված են դիտարկվող բնագավառի դասականների, ինչպես նաև ժամանակակից հետազոտողների ուսումնասիրությունների վրա: Մեթոդաբանական և տեղեկատվական առումով աշխատանքում օգտագործված են պաշտոնական շրջանառության մեջ գտնվող նյութեր և տվյալներ: Այս հանգամանքը հեղինակին թույլ է տվել ապահովել աշխատանքում ստացված արդյունքների անհրաժեշտ հիմնավորվածություն և հավաստիություն:

Ատենախոսության առաջին՝ «Ֆինանսական կայունությունը և դրա գնահատման տեսամեթոդաբանական սկզբունքները» վերտառությամբ գլխում ներկայացված է

Ֆինանսական կայունության բնութագրման հասկացությանը ապարատը, ֆինանսական կայունության վրա ազդող գործոնները, ֆինանսական հարաբերությունների կարգավորման առանձնահատկությունները, ինչպես նաև ուսումնասիրված են ֆինանսական կայունության գնահատման սկզբունքները:

Ատենախոսության երկրորդ՝ «Դրամավարկային քաղաքականության իրականացման և ֆինանսական հոսքերի կառավարման հիմնախնդիրները Հայաստանի Հանրապետությունում» վերտառությամբ գլխում հեղինակի կողմից ներկայացվել են ֆինանսական և դրամավարկային քաղաքականությունների փոխառնչությունները, ինչպես նաև ճգնաժամային ռիսկերն ու ֆինանսական համակարգի կառավարումը:

Ատենախոսության երրորդ՝ «Տնտեսության հակաճգնաժամային կառավարման և ֆինանսական կայունության ապահովման ուղիները Հայաստանի Հանրապետությունում» վերտառությամբ գլխում գնահատված է ֆինանսական կայունության վրա ֆինանսատնտեսական ցուցանիշների և համաթվերի փախկապակցվածության ազդեցությունը, ներկայացված են Հայաստանում տնտեսական ռիսկերի կանխատեսման և ֆինանսական կայունության ապահովման գործիքակազմի կատարելագործման ուղիներ, ինչպես նաև հեղինակի կողմից մշակվել են հակաճգնաժամային կառավարման միջազգառումներ:

Հետազոտության արդյունքների վերլուծությունը թույլ է տալիս կատարելու եզրակացություններ, որոնք ամփոփված են ատենախոսության «Եզրակացություններ» բաժնում:

## **ԴԻՏՈՂՈՒԹՅՈՒՆՆԵՐ ԱՇԽԱՏԱՆՔԻ ՎԵՐԱԲԵՐՅԱԼ**

Ատենախոսությունն իր դրական արժանիքներով հանդերձ զերծ չէ նաև որոշակի թերություններից, որոնցից կարևորել ենք հետևյալները.

1. Աշխատանքի 10-րդ էջում ներկայացված գծապատակեր 1-ում հեղինակը ֆինանսական կայունությունը բնութագրող ցուցանիշների շարքին է դասել եկամուտների և ծախսերի հավասարակշռությունը, որը ֆինանսական կայունությունը բնութագրող ցուցանիշ չէ: Որպես ֆինանսական կայունությունը բնութագրող ցուցանիշ, մեր կարծիքով, ավելի նպատակահարմար կլիներ ներկայացնել եկամուտների գերազանցումը ծախսերին:
2. Հեղինակի կողմից Աղյուսակ 2-ի միջոցով ներկայացվել է ֆինանսական կայունության վերաբերյալ տարբեր հեղինակների բնորոշումները, սակայն այստեղ բացակայում են մակրո և միկրոմակարդակով ֆինանսական կայունություն հետ կապված հայ հետազոտողների բնութագրումները:
3. Աշխատանքի 94-րդ էջում ներկայացվել է բարձր իրացվելի ակտիվի բնութագրումը միայն ժամանակի գործոնով, որը, մեր կարծիքով, թերի է:
4. Աշխատանքն էլ ավելի կշահեր, եթե իրական հատվածում սնանկացման հավանականությունը գնահատելու նպատակով աշխատանքում ներկայացվեր վերլուծություն ըստ ճյուղի, հաշվի առնելով վերլուծվող օբյեկտների նմանությունները հաշվառման քաղաքականության և այլ գործոնների մասով:
5. Իրական հատվածում վերլուծության ժամանակ դիտարկվող երկրորդ ցուցանիշը կապիտալի շահութաբերություն է, սակայն հեղինակի կողմից ներկայացված բանաձևով կապիտալի շահութաբերություն չի հաշվարկվում (էջ 112):
6. Ատենախոսությունում առկա են բազմաթիվ տեխնիկական թերություններ, մասնավորապես. աշխատանքի 13-րդ էջում հղումները պատշաճ ձևով չեն ներկայացված, աշխատանքի 23-25-րդ էջերում ներկայացված աղյուսակային տվյալները անհրաժեշտ էր վերլուծել՝ նշելով դրանց աղբյուրը, աշխատանքում առկա են կրկնվող պարբերություններ, մասնավորապես՝ էջ 28-ում և էջ 3-ում ֆինանսական կայունության ներկայացված բնութագրումը, էջ 31-ում և էջ 3-ում ներկայացված ֆինանսական կայունության գնահատման համար հնարավոր դիսկերի խմբավորման հինգ աղբյուրները և այլն:

## ԵԶՐԱԿԱՑՈՒԹՅՈՒՆ

Վահագն Լիպարիտի Տեփոյանի «Ֆինանսական կայունության ապահովման հիմնախնդիրները Հայաստանի Հանրապետությունում» թեմայով ատենախոսությունը ներկայանում է որպես ամբողջական, ավարտուն և օգտակար հետազոտություն, որում վեր են հանվել ՀՀ Ֆինանսական և ոչ ֆինանսական առևտրային կազմակերպությունների կայունության ապահովման արդյունավետության բարձրացմանը նպաստող առաջարկություններ և միջոցառումներ: Աշխատանքում տեղ գտած թերությունները էապես չեն ազդում աշխատանքի գիտական արժեքի վրա:

Հեղինակի գիտագործնական ընդհանրացումները, եզրակացությունները և առաջարկները նոր խոսք են և շոշափելի ներդրում Հայաստանի Հանրապետությունում Ֆինանսական և ոչ ֆինանսական առևտրային կազմակերպությունների ֆինանսական կայունության ապահովման գործում:

Թեկնածուական ատենախոսության սեղմագիրն արտացոլում է հետազոտության հիմնական բովանդակությունը, արդյունքները և գիտական նորույթը: Հեղինակի կողմից հրապարակած 6 գիտական հոդվածները համապատասխանում են հետազոտության ուղղվածությանը, դրա խնդիրներին և ունեն բավարար ընդգրկունություն:

Այսպիսով՝ Վահագն Լիպարիտի Տեփոյանի «Ֆինանսական կայունության ապահովման հիմնախնդիրները Հայաստանի Հանրապետությունում» թեմայով ատենախոսության և դրան համատեղ կազմված սեղմագիրն ու թվով 6 հոդվածների հրապարակումները բավարարում են ատենախոսություններին ներկայացվող ՀՀ ԲՈԿ-ի պահանջներին, իսկ աշխատանքի հեղինակն արժանի է Ը.00.03-«Ֆինանսներ, հաշվապահական հաշվառում» մասնագիտության գծով տնտեսագիտության թեկնածուի գիտական աստիճանի շնորհմանը:

Ատենախոսությունը քննարկվել է ՀՀ ԳԱԱ Մ. Քոթանյանի անվան տնտեսագիտության ինստիտուտի՝ որպես առաջատար կազմակերպության, «Ատենախոսությունների քննարկման և կարծիքների ներկայացման» հանձնաժողովի նիստում (27.04.2022թ., արձանագրություն թիվ 10):

ՀՀ ԳԱԱ Մ. Քոթանյանի անվ. գիտաշխատող  
տնտեսագիտության թեկնածու

Գ.Մանուկյան

ՀՀ ԳԱԱ Մ. Քոթանյանի անվ. ՏԻ գիտաշխատող,  
տնտեսագիտության թեկնածու

Ե.Հակոբյան

ՀՀ ԳԱԱ Մ. Քոթանյանի ՏԻ գիտաշխատող տնտեսագիտության թեկնածու  
Գ.Մանուկյանի և նույն ինստիտուտի գիտաշխատող տնտեսագիտության թեկնածու  
Ե.Հակոբյանի ստորագրությունների իսկությունը «հաստատում են»՝

ՀՀ ԳԱԱ Մ. Քոթանյանի անվ. ՏԻ գիտ. քարտուղար,  
տնտեսագիտության թեկնածու, դոցենտ  
«27» ապրիլի, 2022թ.

Կ. Տ.



Ք. Յու. Բաղդասարյան